

B945

1

丙子秋杪

心道法師西北弘法記

雲山太虛



心道法師西北宏法記

法施第一

康寄遙敬題

師 法 道 心

記 法 弘 北 西

◀送奉費郵分五角二價定冊每▶

編校者

太 原 寒 世 子

發行者

廈 門 一 大 同 路 宏 善 書 局

上 海 麗 南 市 東 宏 善 書 局

上 海 霞 飛 路 道 德 書 局

南 昌 大 世 界 善 書 部

藏版者

上 海 道 德 書 局 電 話 八 二 七 七 四 號

附 啓

一 本書係採錄各佛教報關於法師之新聞而成故於法師之發輝佛理均未載及俟後有所得再行出版

二 本書原定名曰青海弘法記故中縫之書名照排之嗣請 太虛大師題面師以該書內容關於西北者頗大故題面曰西北弘法記

識得佛性義者親付
苟因緣蓋密相無相
遇緣即宗心道此中
兩弘法可謂又來自新
者也記者郭君清序乃按

古靈實一頌題之

一字七字三十字萬象窮

來不為接夜涼月白下簷

演搜得駢珠有多許

丙子秋香山丈室大和尚



序

從來有非常之人。必具非常之見。有非常之志。必奏非常之效。故古之大有爲之人。必先苦其心志。勞其筋力。且時遭橫逆。而後始爲眞英雄眞豪傑也。況今時值亂世。魔道爭強。而欲弘揚佛法。教以棄邪歸正。不尤難之難乎。心道法師之弘法青海也。可見一斑矣。夫青海乃我國西陲。距東南萬餘里。交通阻梗。卽蠅營者亦爲之裹足。而法師竟抱佛化之志。於中土人所罕到之地。遽單人獨往。抑若不入虎穴。不得虎子者。此其見其志。可不謂加人一等歟。原夫交通阻梗之處。其民情之固執。不言而喻。故至其地也。遂不免受種種之難。所幸佛慈普被。福星擁護。雖在羅網密佈。生死關頭之頃。而終不至罹及大禍。嗣卽正法不振。人民向化。而素欲加害於師者。一變而爲擁護之人。由是倡佛會。立佛所。一時羣起而應者。歡欣之狀。極一時之盛。實爲漢僧弘法青海之第一人。也。故及其東歸也。男女善信。涕泣而別者。比比皆是。其弘法之力。感化之深。眞令人不可思議也。適值閩東鼓山佛學院。電函紛馳。催師回閩。

而師亦素慮弘法日短。恐廣化之願難償。亦早有歸意。此余亦以爲然。蓋師之東歸。猶佛之涅槃。正使人日夕不忘。以增其信心也。今明師遇矣。佛法聞矣。邪正之途。又歷歷分明矣。我西陲同胞。從此足可勇往直前。打出生死之關。脫離輪迴之苦矣。余與師交舊。素知其弘法之心。堅而且急。是足令人羨慕。因錄各報記載之文。集成一冊。名爲弘法記。至其發揮學理。固未之及也。時

中華民國二十五年秋月太原寒世子謹序

心道法師略歷

法師湖北松滋人。俗姓李氏。生於光緒乙巳年正月十日。民國十一年。時年十八歲。於四月初八日。依師祖天圓老和尚披剃。出家於本縣岱輔廟。錫名源福。字心道。是年冬。從淨月律師。求受具足戒於江陵章華寺。十二年秋。順長江而下。遊廬山。朝九華。十三年住鎮江金山寺禪堂習禪。十四年住常州天甯寺學戒堂學戒。十五年住上海法藏寺。親近興慈老法師聽經。十六七年。住甯波觀宗寺弘法社。研究天台宗。十八九年。住廈門閩南佛學院從院長太虛大師及芝峯大醒諸教授求法。二十年二十一年。任教授及教務主任於福建鼓山佛學院。二十二年講法華經於沙市章華寺。講梵網經於荊州十方菴。任淨土宗講師於漢口佛教正信會。二十三年。赴青海學習密宗。道經陝甘。是年二月講金剛經於平涼佛教會。三月由青海省政府馬主席介紹。住西甯塔爾寺。六月卽成立西甯西山堡佛教居士林。演講普門品。八月十五發起組織青海省佛教會。九月講金剛經於湟源縣。成立湟源佛教會。冬月講

彌陀經於青海省佛教會。設立郭家堡西甯佛學會。二十四年五月。講彌陀經於西山堡居士林。十月初。復講普門品於西山堡居士林。十月中旬。講金剛經。彌陀經於西甯佛學會。及西方念佛會。冬月初。講彌陀經。普門品於西甯左署紅山嘴南海殿。冬月中旬。青海省垣西北佛教居士林成立。請爲主講。臘月。湟源佛教會改組後。被選舉爲中國佛教會湟源縣分會理事長。二十五年正月初。設立西甯通海鎮西北佛教居士林分林。演講藥師經。正月二十三至二十五日。講地藏經。利益存亡品等。於西甯大康城。二月間。講普門品於湟源佛教會。三月。講金剛經於青海省垣西北佛教居士林。四月。設立西甯后子河西北佛教居士林分林。講彌陀經。五月八日。離青海南下。道經陝甘。六月。遂講金剛經於蘭州東關接引寺。七月。講彌陀經。孟蘭盆經於陝西佛化社。八月中旬。任福建鼓山佛學院主講等。其弘揚法化之苦心。與日俱進。近因西北各省善信。渴望師重履舊地。藉資普化。明春復擬往西北一行。將來必有一番盛況。西北佛法之光明。當可拭目以待也。時民國二十五年丙子仲秋。太原寒世子謹識。

心道法師青海弘法記目錄

圖像

太虛大師題詞

寒世子序

法師略歷

甲戌年弘法記

甲	成立西甯西山堡佛教居士林·····	一
乙	組織青海省垣公安街佛教居士林·····	三
丙	組織青海省佛教會·····	五
丁	成立青海湟源佛教會·····	一三
戊	成立西甯佛學會·····	一九
己	設立西方念佛會·····	二〇

庚 設立湟源佛教女居士林……………二一

辛 設立韋家莊佛教居士林……………二三

壬 設立西甯左署佛教居士林……………二四

乙亥年弘法記

甲 以無畏精神戰退魔軍……………二五

乙 以消極態度宏揚佛法……………三〇

丙 以積極精神成立西北佛教居士林……………三七

丙子年弘法記

甲 設立西甯通海鎮西北佛教居士林及講藥師經……………四五

乙 在田家莊大康城講地藏經……………五六

丙 在湟源佛教會講普門品及設西北佛教居士林湟源縣分林……………五九

丁 在青海省垣西北佛教居士林講金剛經及佛教初學……………六二

戊 金剛法會圓滿後各界捐助弘法費……………六七

己 舉行慶祝佛誕大會演講誌盛	六八
庚 設立西甯后子河西北佛教居士林分林講佛說阿彌陀經	七一
辛 法師離青東下師徒灑淚而別	七四

附錄

由青海回抵蘭州城 應衆請演講金剛經	七六
平涼縣歡迎法駕 觀音會大師講經	七八
康居士大開歡迎會 心法師宣講彌陀經	七九
班禪活佛駕臨塔爾寺 心道法師晉謁請教授	八三
禮請活佛擔任林護長 公舉法師主講兼導師	八六
宣化使保護法會 心法師送駕西行	八八
楊廳長討論佛法 心法師暢談教旨	八九
楊子高先生致心道法師書	九四
陝西康寄遙居士上太虛大師書	九四

康寄遙居士致心道法師書·····	九六
康寄遙居士致心道法師書·····	九六
甘肅劉廣燦居士致心道法師書·····	九八
甘肅省佛教會公函·····	九九
甘肅鄭哲侯先生來函·····	一〇〇
福建鼓山佛學院請心道法師主講啓·····	一〇〇

心道法師青海弘法記

甲戌年弘法記

甲 成立西甯西山堡佛教居士林誌勝

●法會因由第一

心道法師於民國二十三年三月間抵青海。住西甯塔爾寺。研究番文經典。未幾風聲傳播。信仰者衆。首有大乘會李來鵬者。請魯沙爾咸校長子元居士介紹。求授三皈。因此法師藉悉大乘會。但非純粹佛教也。於是命李來鵬居士率衆歸正。改組爲居士林。幸李居士依教奉行。一面具文呈報西甯縣政府。一面集同人發起講經法會。旋得縣府批准。於是定期歡迎法師。成立居士林講經。

●各界歡迎第二

古歷六月一日。爲成立居士林開講之期。各界前來參加典禮。歡迎法師者甚衆。西甯縣府特派隊長蒞會。維持秩序。法師由塔爾寺跨馬而去。有魯沙爾咸子元王華

堂等五六紳耆乘馬陪行。諸發起人皆到兩旗迎接。一時吹鼓手與鞭炮聲齊奏。寶蓋覆頂。國旗前導。於香煙繚繞。人民歡騰中。直到西甯西山堡普濟寺。是日沿途設香案歡迎者有四五起。

●說三皈依第三

自法師發起組織居士林之後。先後報名求歸依者達一百餘人。故法師先傳三皈依法。一時歸依者大乘會居多數。法師在青海宏揚佛教。由此開始。

●講普門品第四

法師說皈依後。即開講普門品。到會聽講者。三四百衆。第三日圓經。聽衆尤多。而青海漢僧登座講經者。此爲破天荒第一次。

●附通告函第五

佛教特刊編輯主任慈鑒。逕啓者。久仰尊範。渴慕良深。吾青省遠處邊陲。佛法少有流通。故同人等有心學佛。苦無明師指導。茲蒙諸佛菩薩。慈光加被。幸有心道法師。遠駕蒞青。同人等得悉之下。欣喜莫名。是以再三恭請法師。在西甯西山堡普濟寺。

講經三日。以開示羣蒙。法師淹通佛典。辯才無礙。凡見聞者。無不感悟。故法會皈依者。一百有餘。復承法師指導。於六月一日。組織佛教居士林於西山堡。蒙政府維護甚力。而發心入林者亦衆。但敝林初創。諸多欠備。祈大德不吝慈悲。時加指導爲荷。卽請法安。西山堡佛教居士林謹啓（錄上海市民報佛教特刊）

敬啓者。敝林業於國歷七月十二日。正式成立。恭請心道大法師爲本林導師。並選出咸廣中李廣信爲林長。胡廣月爲宣傳主任。孔光珍爲修持主任。祁廣願爲慈濟主任。除呈西甯縣政府備案外。合行函告。卽希查照。時加指導爲荷。謹致陝西佛化社。西甯西山堡佛教居士林通告（錄陝西佛化隨刊第二十期）

乙 組織青海省垣公安街佛教居士林

●一緣起

心道法師成立西甯西山堡佛教居士林講經後。聲譽頗隆。而青海省城公安街。有普化救世佛教會。又名一心堂。傳道者一爲同善社楊界清。一爲道士石某。因兩派意見不合。常起內爭。一日。道士石某。到河南找尋普化救世佛教會根源去後。楊某